

das seine Psalmen fur vnd fur bleiben wür-
den/ so lange Israel oder Gottes volck blei-
ben würde/ das ist/ bis an der welt ende/ wie
denn bisher geschehen ist/ vnd geschehen
wird. Darumb sollens Israels Psalmen
heissen.

**Der Geist des HERREN /
hat durch mich geredt. Vnd
seine rede / ist durch meine
zunge geschehen.**

HIL wil David mir zu wunderlich wer-
den/ vnd zu hochfaren. Gott gebe/ das
ichs doch ein wenig erlangen müge.
Denn er fehet hie an von der hohen heiligen
Dreifaltigkeit / Gottliches wesens zu reden.
Erstlich nennet er den Heiligen Geist / dem
gibt er alles/ was die Propheten weissagen.
Vnd auff diesen/ vnd der gleichen sprüch/ si-
het S. Petrus 2. Pet. 1. Es ist noch nie keine
weissagung aus menschlichem willen erfur-
bracht. Sondern die heiligen Menschen Got-
tes/ haben geredt aus eingebunge des Heili-
gen Geistes. Daher singet man in dem artiz-
ckel des Glaubens/ von dem Heiligen Geist/
also / Der durch die Propheten geredet hat/
Also gibt man nu dem Heiligen Geist / die
gantze